

Hiss




ton.

Febr. 4/12

Benedicti Papae XII. Epistola encyclica ad
Primatum, Archiepiscopos et Episcopos Regni
Poloniae de his, quae verita sunt Hebreis habi-
tantibus in iisdam civitatis et locis, in qui-
bus habitant Christiani.

Romae 1751.



S

E

R

E

A



SANCTISSIMI IN CHRISTO PATRIS,
ET DOMINI NOSTRI DOMINI

b.

BENEDICTI
DIVINA PROVIDENTIA
PAPÆ XIV.
EPISTOLA ENCYCLICA
AD PRIMATEM, ARCHIEPISCOPOS,
ET EPISCOPOS
REGNI POLONIÆ.

*De his, quæ vetita sunt Hebræis habitantibus
in ijsdem Civitatibus, & Locis, in qui-
bus habitant Christiani.*



ROMÆ, MDCC LI.

Ex Typographia Reverendæ Cameræ Apostolicæ.



59946-
III

(3)

BENEDICTUS PAPA XIV.

*Venerabiles Fratres, salutem, & Apo-
stolicam Benedictionem.*



Quo primum supremæ DEI bonitati complacitum est, ut Sanctæ Catholicæ Religionis nostræ primordia in Poloniæ Regno constituerentur, quod circa decimi sæculi finem sub Prædecessore Nostro Leone VIII., Duciis Mieceslai, & Conjugis Dambrovskæ Christianæ operâ, contigisse, apud Dlugoss Annalium Vestrorum Scriptorem lib. 2. pag. 94. litteris consignatum est; ab eo usque tempore pia semper ac devota Polonorum Natio adeo constans in suscepso Sanctæ Religionis proposito persistit, adeo ab omni Sectarum genere abhorruit, ut licet illæ nihil intentatum reliquerint, ut in Regnum istud introductæ suam ibidem sedem statuerent, atque in eodem suorum errorum, hæresum, vel pravarum opinionum semina dispergerent, eo fortius Polonorum constantia sese illarum conatibus opposuerit, & luculentiora magis fidelitatis suæ præbuerit testimonia. Sane, quod ad propositum hoc nostrum aptissimum, & per se multo maximum habendum est, non modo gloria illa Martyrum, Confessorum, Virginum, Virorum sanctitatis famâ insignium, quibus in Poloniæ Regno nasci, enatri, & mori contigit, memoria est, quæ in sacris Ecclesiæ Fastis recensetur, sed & complurium ibidem Conciliorum, ac Synodorum celebratio, quæ feliciter ad exitum perducta sunt, & quibus magna cum gloria de Lutheranis victoria reportata est, qui omnes rationes ac vias experti sunt, ut sibi aditum, receptumque in idem Regnum pararent. Jam verò tum magnum Petrocoviense Concilium, quod sub Magno Prædecessore, & Concive Nostro Gregorio XIII., Præfule Lipomano Episcopo Veronensi, & Nuntio Apostolico eidem præsidente, celebratum fuit, in quo tanta cum Dei gloria libertas conscientiæ, quæ in Regnum illud aditum, ac domicilium quærebat, proscripta fuit: tum demum amplum illud Synodalium Constitutionum Provinciae Gnesnensis volumen, in quo ea omnia litteris consi-

goata sunt, quæ à Polonis Episcopis utiliter, & sapienter acta, ac provisa fuerunt, ut in Populis regimini eorum commissis Christiana Religio adversus Judaicam perfidiam illibata servaretur, licet temporum conditio ferat, ut iisdem Urbibus, atque Oppidis, tum Christiani, tum etiam Judæi continetur, hæc quidem luculentissime atque evidentissime comprobant, quantam, quod ante dictum est, Polonorum Natio ex eo sibi laudem comparaverit, quod Sanctam Religionem à Majoribus suis ante tot sacerdalia suscepit sartam semper studuerit tectamque servare.

Cum multa eorum capita sint, de quibus dudum mentionem fecimus, de nullo, præter quam de novissimo, merito est, quod conqueri debeamus: adeo ut vel cum fletu illud exclamare cogamur, *Mutatus est color optimus.* Sane tum ex ijs, quæ per graves, ac fide dignas Personas, & Poloniarum rerum peritas Nobis fuerunt exposita, tum ex quærelis eorum, qui in Regno sunt, qui que zelo ducti, ad Nos, atque ad hanc Sanctam Sedem recursum habuerunt, notum Nobis factum est, adeo isthic Judæorum numerum multiplicatum esse, ut aliquot Loca, Civitates, atque Oppida, quæ, ut ex ruinis constat, muro ante probe circummunita erant, quæque, ex antiquis Tabulis, sive Regestris, magno Incolarum Christianorum numero frequentata fuisse apparet, diruta modò, situ, & squallore fœda, ac magno Judæorum quidem numero referta, Christianorum autem quasi plane destituta reperiantur. Præterea esse aliquot in eodem Regno Paræcias, quarum Populus cum non leviter diminutus sit, ac proinde redditus earum minor effectus, prope jam in eo sint, ut ab eorum Parochis deserantur. Ad hæc omnem utiliorum mercium negotiationem, qualis liquorum, atque etiam vini est, ab eisdem Judæis teneri, ipsos ad exercendam publicorum redditum procurationem admitti, conductas insuper ab eisdem Cauponas, Prædia, Pagos, possessiones haberi, per quæ in miseros Christianos homines, qui in rustica arte censentur, herilem potestatem nauci, non modò eos immitti, & inhumano imperio ad labores, atque opera duriter exercent, atque ad immanium onerum vecturas compellunt, sed poenas etiam imponunt, quibus ad verbera quoque, & plaga in corpore ferendas coguntur. Quo fit, ut illi infelices ab auctoritate hominis Judæi, tamquam subditi de nutu, & potestate Domini, dependeant. Qui licet in hisce poenis infligendis Christiani Administrari operâ uti teneantur, penes quem facultas eosdem puniendi sit; cum tamen hic Viri Judæi, qui Dominus est, mandata exequi necesse habeat,

eidem

eidem ne ab officio removeatur, tyrannica illius imperia adimplenda sunt.

Præter publicas autem procurationes, quæ, ut modo diximus, à Judæis habentur, & Cauponarum, Pagorum, prædiorum conductiones, à quarum rerum exercitio tot ac tanta in Christianos homines præjudicia dimanant, alia insuper accedunt absurdæ, quæ si rite expendantur, ijs, quæ exposita fuere, majus damnum, ac perniciem afferre possunt. Quod enim gravissimum censendum est, ipsi Judæi in Magnatum domos ad domesticæ, sive œconomicæ rei gerendæ munus, quod Magisterij Domus nomine venit, admissi, in unius domus tamquam conturbernio cum Christianis versantes, imperij specimen super eosdem assidue præferunt, atque ostentant. Jam verò in Urbibus, & Locis non modò Judæos Christianis passim permixtos cernere est, sed illud absurdi adjungitur, quod ijdem Christianos utriusque sexus etiam pro famulis servitio suo addictos domi retinere minime vereantur. Porro autem ipsi Judæi cum exercendis mercaturis potissimum occupentur, postquam eâ viâ grandem pecuniæ sumam confecerunt, nimio usurarum excessu Christianorum census, ac patrimonia penitus exhauriunt ac licet ipsi etiam à Christianis hominibus cum gravi, & immodico fœnore pecunias cum suarum Synagogarum fiducijs mutuentur, facile cuique attenti patet, id eâ causâ ab eisdem fieri, ut copiâ nummorum à Christianis habitâ, eaque in mercaturis faciendis occupatâ, non solum ex ea tantum lucri faciant, quantum pacto fœnori solvendo satis sit, simulque proprias eâ ratione facultates amplificant; sed ut eodem tempore quot sui creditores sunt, tot suarum Synagogarum, ac sui ipsius Patronos habeant.

Celebris ille Monachus Radulphus, immodico olim ductus zelo, adeo contra Judæos exarsit, ut sèculo duodecimo, quo vixit, Galliam, Germaniamque percurrerit, & contra eosdem Judæos, utpote Sanctæ Religionis nostræ hostes, concionando, Christianos inflammaverit, ut ipsos ad intercessionem delerent; quæ causa fuit, ut tam magnus Judæorum numerus interficeretur. Quidnam vero eum, si hodie in vivis ageret, facturum, aut dicturum putandum est, si quæ in præsentia in Polonia contingunt, fieri videret? Nimio huic & furenti Radulphi zelo magnus ille S. Bernardus sese opposuit, atque in Epistola sua 363., quam ad Clerum, & Populum Galliæ Orientalis dedit, ita scriptum reliquit = Non sunt persequendi Iudei, non sunt trucidandi, sed nec effugandi quidem. Interrogate eos Divinas paginas. Novi quid in Psalmo legitur prophetatum de Judæis, Deus ostendit mihi, inquit Ecclesia, super inimicos meos, ne occidas eos, ne quando

(6)

do obliviscantur Populi mei: Vivi quidem apices nobis sunt
repræsentantes Dominicam Passionem. — Propter hoc dispersi
sunt in omnes Regiones, ut dum justas tanti facinoris pœnas
luunt, testes sint nostræ Redemptionis. — In Epistola au-
tem 365. ad Henricum Archiepiscopum Moguntinum ita
ab eodem scriptum est. — Nonnè copiosius triumphat Eccle-
sia de Judæis per singulos dies, vel convincens, vel conver-
gens eos quam si semel, & simul consumeret eos in ore gladij?
Numquid incassum constituta est illa universalis Oratio Ec-
clesie, quæ offertur pro perfidis Judæis à Solis ortu, usque ad
occasum, ut Deus, & Dominus auferat velamen de cordibus
eorum, ut ad lumen veritatis à suis tenebris eruantur? Nisi
enim eos, qui increduli sunt, credituros speraret, super fluum,
& vanum videretur orare pro eis.

Contra Radulphum item Petrus Cluniacensis Abbas ad Ludo-
vicum Francorum Regem dum scripsit, eundem quidem
hortatus est, ne Judæorum excidium fieri permitteret, ve-
rū eodem tempore ipsum excitavit, ut pro excessibus eo-
rum in illos animadverteret, eosque bonis iis expoliaret,
quæ vel à Christianis abstulissent, vel per usuras accumu-
lasset atque eorum pretium in Sanctæ Religionis usum u-
tilitatemque converteret, quemadmodum in Annalibus
Venerabilis Cardinalis Baronii ad annum Christi 1146. vi-
dere est. Nos quidem in hac re non minus, quam in omni-
bus aliis, eamdem agendi normam suscipimus, quam Vene-
rabilis Decessores Nostri Romani Pontifices tenuerunt.
Alexander III., gravibus propositis poenis, Christianis in-
terdixit, ne continuum apud Judæos servitium, aut famu-
latum susciperent — Ne Judæorum servitio se assidue pro a-
liqua mercede exponant, — cuius rei ratio hilce, quæ se-
quuntur, verbis ab eodem exponitur — Quia Judæorum
mores, & nostri in nullo concordant, & ipsi (scilicet Judæi)
de facilis ob continuam conversationem, & assiduam fami-
liaritatem, ad suam superstitionem, & perfidiam simplici-
um animos inclinarent — Quemadmodum in Decretali Ad
huc, de Iudæis, legitur. Innocentius III. postquam narra-
vit, quod à Christianis intra Urbes eorum Judæi recipe-
rentur, hujusmodi receptionis methodum, & conditionem
talem esse debere admonet, ne ipsi maleficium pro benefi-
cio rependant — Qui tamquam misericorditer in nostram
familiaritatem admissi, nobis illam retributionem impendunt,
quam, iuxta vulgare proverbium, mus in pera, serpens in gre-
mio, & ignis in sinu, suis consueverunt hospitibus exhibere —
Idemque Pontifex afferens conveniens esse, Judæos Chri-
stianis, non autem hos illis inservire, addit; — Ne filij Li-
bere

beræ filij famulentur Ancillæ, sed tamquam servi à Domino reprobati, in cuius mortem nequiter conjurarunt, se saltem per effectum operis recognoscant servos illorum, quos Christi mors liberòs, & illos servos effecit — Quæ verba in Decretali sua Etsi Iudeos reperiuntur. In alia item Cum sit nimis, sub eodem Titulo de Iudeis & Saracenis ne Judæi in publicis Officijs adhibeantur, interdicit — Prohibentes, ne Iudei in publicis Officijs præferantur, cum sub tali prætextu Christianis plurimū sint infensi — Innocentius etiam IV. dum ad Sanctum Ludovicum Francorum Regem scribebat, cui Judæos è Regni sui finibus expellere in animo erat, consilium hujusmodi approbat, quoniam ipsi minimè illa observarent, quæ respectu ipsorum à Sede Apostolica præscripta essent. — Nos ad animarum salutem totis affectibus adspirantes, expellendi prædictos Iudeos vel per Te, vel per alios, præfertim cum statuta contra eos à Sede prædicta edita, sicut accepimus, non obseruent, plenam Tibi, auctoritate præsentium, concedimus facultatem — quemadmodum apud Raynaldum ad annum Christi 1253. num: 34. videre est.

Si autem queratur, quænam res illæ sint, quæ Judæis intra easdem Urbes, in quibus Christiani habitant, degentibus ab Apostolica Sede interdicuntur; ea ipsa omnia omnino esse dicemus, quæ hodie in Poloniæ Regno agendi facultas eisdem permittitur, & quæ superiùs, à Nobis exposita sunt. Ad hujusce rei veritatem manifesto deprehendendam non multa quidem librorum lectione opus fuerit. Titulum Decretalium de Iudeis, & Saracenis percurrere satis est; Romanorum Pontificum Prædecessorum nostrorum Nicolai IV., Pauli IV., S. Pij V., Gregorij XIII., & Clementis VIII. Constitutiones in promptu sunt, atque in Bullario Romano habentur. Vos autem, Venerabiles Fratres, ut eadem illa clarissimè perspiciatis, ne ipsam quidem lectionis curam suscipere opus habetis. Omnia in Decessorum Vestrorum Synodis statuta, atque præscripta Vobis occurront: Cum ipsi quidem minimè prætermiserint in suis Constitutionibus ea omnia inserere, quæ, quod ad præsentem materiam attinet, à Romanis Pontificibus sancita, atque ordinata fuerunt.

Summa autem difficultatis in eo sita est, quod Synodalium Sanctionum vel memoria excidit, vel executio negligitur. Vobis itaque, Venerabiles Fratres, onus incumbit, ut easdem renovetis. Vestri hoc officij ratio exposcit, ut earumdem executioni sedulò insistatis. In hoc autem ab Ecclesiasticis hominibus, sicut par, & æquum est, initium facite, quos in recte agendi ratione viam alijs commonstrare, & exemplo cæteris

ris prælucere opus est. Jo Dei enim miseratione Nos sperare juvat, bonum Ecclesiasticorum hominum exemplum, aberrantes Laicos in rectam semitam reducturum. Quæ quidem à Vobis eo facilius, ac fidentius præcipi, & mandari poterunt, quod, (prout certis atque idoneis auctoribus allatum est) vestra neque bona, neque jura per Vos Judæis locari, nullum cum eisdem mutuas pecunias dandi atque accipiendi negotium intercedere, unoque verbo ab omni cum eisdem commercio liberos omnino Vos, atque immunes esse Nobis innotuit. Ratio, ac methodus à Sacris Canonibus ad debitam à contumacibus obedientiam exigendam præscripta, ea est, ut in maximi momenti causis, cujusmodi præsentes sunt, Censuræ adhibeantur, & ut inter casus reservatos illi etiam adjungendi sint, à quibus discrimin Religioni atque exitium imminere provideatur. Probè notum Vobis est, Sacrum Tridentinum Concilium jurisdictionis Vestrae firmati consuluisse, tum cum Vobis metiis jus reservandi casus afferuit, neque eos ad publica tantum crimina restringit, verum etiam *ad atrociora & graviora*, dummodo merè interna non sint, extendit, atque ampliavit. Compluris autem ab hujusce Almæ Urbis Nostræ Congregationibus in varijs Decretis, & Encyclicis Epistolis decisum, ac pronunciatum fuit, atrociores inter, atque graviores casus, eos recenseri debere, ad quos procliviores homines sunt, & qui conjunctam Ecclesiasticæ Disciplinæ, sive salutis Animarum, quæ Episcopali curæ commissæ sunt, perniciem habent; quemadmodum à Nobis in Nostro Tractatu de *Synodo Diocesana lib. 5. cap. 5. per totum*, fusè ostensum est. Ad hanc autem rem nihil per Vos auxiliij à Nobis desiderari patiemur. Ac pro expediendis difficultatibus, in quas procul dubio incideretis, si Vobis contra eos Ecclesiasticos procedendum esset, qui à jurisdictione Vestra exempti sunt: Nos Ven. Fratri Archiepiscopo Niceno Nostro isthic Nuntio opportuna pro eodem hoc negotio mandata præscribimus, ut ab eodem, juxta facultates sibi traditas, necessaria præstentur. Illud simul pro certo Vobis pollicemur. Nos, cum cum opportunitas feret, enixè atque omni efficaciâ de hac re cum illis etiam agere non prætermisuros, opportunâ quorum auctoritate, ac potentia adjunctâ, effici potest, ut à Nobili Poloniæ Regno hujusmodi labes atque ignorantia auferatur. Vos autem, Venerabiles Fratres, à Deo primùm, qui honorum omnium auctor est, ferventiori cordis affectu opem exposcite. Ab eodem Nobis etiam, atque huic Apostolicæ Sedi auxilium precibus Vestris implorate: & dum omni Vos charitatis plenitudine complectimur, Fraternitatibus Vestris, & Gregibus curæ Vestrae commissis, Apostolicam Benedictionem peramanter impertimur. Datum ex Arce Gandulphi die 14. Junij 1751. Pontificatus Nostri Anno Undecimo.



Biblioteka Jagiellońska



stdr0026196

